



## آلتایله طوغرو

( باشی ۱ نجی بیلک ۱۲ نجی صایینده )

قازاق حیاتنه پک یاقیندن آشنا اولان بعض دوستلرمک تبعاتنه کوره  
 بو حالک اک قوتلی سبیلرندن بری ده قیز آلوب ویرمه نك اسکی بر عادت اوزرینه  
 قراتیجه و بناء علیه مسافه جه ده آرالری اوزاق اولان قیلرلر آراسنده جریان  
 ایتیمی اولدینی آ کلاشیلور . هنوز کندیسنی بیله میه جک قدر کوچوکلکنده  
 نشانلنمش اولان قیز جغز عقلی باشنه کلمکه باشلائیجه کوجبه لك حیاتی اقتضاسندن  
 اوله رق صباح و آقشام نه ولرنده ، دره بویلرنده ، سورویانلرنده قامیشلقه ،  
 چالیلقلر آراسنده کوریشهرک آشناالق پیدا ایتدیکی کندی و یاخود قومشو  
 قیلرلر سنک کنجلیری ایله اوینایوب کولمکه باشلار . علی الا کثر اوزاق قیلرله  
 منسوب نشانلینسی کوروب کوکانه یرلشدیرمدر اول ، کور آشنا لرندن بری بیله  
 علاقه پیدا ایتمش اولور . بو علاقه چوق و قتلر ایلرلره کتیرلدیکی کبی ،  
 بعضاً دائره شمولنده وسعت ویریلیر . قیزک ایچ دوستلری جوغالیر . بو حال  
 آرق بر عادت حکمنه کیرر . کلین اولدقدن سوکراده حسیاتک اعتدال کسب  
 ایده جکی دورلره قدر اوکی آله من ...

کلینک اوزاق قیلرلردن اتخابی جهته کیدلمه سنک اسباب حقیقه سی  
 آ کلاشیلما مقله برابر نشان مراسمنک پک ایرکن اجرا ایدیلسی هر حالده قازاق  
 حیاتی مقتضیاتندن اولدینی معلومدر . قازاقلر آراسنده قیزک بدل حقیقیسی  
 دیمک اولان مهر ایجه ، حتی بعض اورتی عالمه لک بوتون ثروت و وارلقلری  
 استیعاب ایده بیلر جک قدر دولغون تقدیر ایدیمک عادتدر . شو حاله  
 کوره اوغانی اولندروب کلینلی اولق آرزو ایدن عالمه نك — بوتون موجودیتی  
 بو اوغورده صرف ایده رک — چپلاق قلماق ایچون و قیلرله بعض تدابیر  
 مراجعت ایتمش بولنمی لازم کلیر . حقیقتاً حیات و معیشت آشنا اولان بر قازاق ده  
 بو بایده اتخاذ تدابیر خصوصه منده قصور ایتیز . هنوز کوچوک اولان اوغلینک  
 نشانلینسه ویره جکنی مهری ، کلینک آوه کتیریه جکی کونه قدر کجه جک

سنه لره تقسیم ایدر . ویریلیسی لازم کلن تقسیطاری ، هر سنه نك حاصلات و نماندن تأدیه ایدر . بوسایه ده سرمایه ورأس المالنی محافظه یه مقتدر اوله بیلدیکی کبی ، ثروتنه کوره خیلی بویوک یگون تشکیل ایدن مهردن ده قورتیلیر . بوندن سوکرا کلینی نهوینه کتیرمک ایچون ده اوغل و قیزلری اولدیغنه کوره مهر اعطاسندن قورتیلیمق ایچون مبادلله صورتیله قایتیشلق ( مهریت ) تأسیس ایدلیدیکی ده اولور ..

...

قازاقلر دوچار اولدقلری بلا و مصیبتلرک اسبابنی آ کلامق ، خسته لنی تداوی ایتدرمک ، ظائب اولان مالنک ( حیواننک ) ایزینی بولمق ایچون جنلر ، پریر یاخود عالم غیب ایله تماسده بولندینی اعتقاد ایدیلن باقصی ( کاهن ) لره مراجعت ایدرلر . قازاقلر آراسنده مختلف سلسله لره منسوب باقصیر واردر . اک مشهور سلسله قویونک یاندریش کوره ک میکنه باقهرق اوراده کی چیزکیلری اوقومق صورتیله اخباراتده بولنانلردر . بوده اسکئی تورکلردن قالمش اولدینی ظن ایدیلن ، قوبوز ، [۱] چالنه رق جیلر واسطه سیله مغیاته وقوف پیدا ایدنلرده اک معروف باقصیلردن صاییلیر . قوبوزلی باقصیر خسته لرک ، بالخاصه سیکیریلرک ، مجنونلرک تداویسی خصوصنده خیلی موفقیتلر کوستریورلرمش . بونلر خسته یاننه کلنجه قوبوزینی چالارق آره صره بعض شیلر میرلدانیر ، نفس ویریر ، اوفر ، فقط بر آرزو کرا جذبه یه کلیر ؛ غریب ، عجیب صدالر چیقاره رق باغیر ، خسته ترله نجه ویاخود کنیدیسی بایلوب دوشونجه یه قدر دوام ایدر . ترله مک خسته ایچون علامت شفا در ...

[۱] قوبوز . — قعاری ایکی اوچ سانیتمرو قدر اولان بر دیغیر دائره نك قارشى قارشى به کلن ایکی اوجی برلشمه یه چاریک سانیتمره قدر قالدقدن سوکرا موازی اوله رق دورت بش سانیتمرو قدر اوزانیرلر . بونلرک آرالرنده براوجی دائره نك قارشى طرفنه ربط ایدیلن باقبر ویاخود کوشدن معمول یاصی وانجه تل ، آغزه یاقلاشدیریلرلر ق نفس ایله تهیز ایدیلیر .. ایشیدیلرکک آمنکک لطافتی وچالانک اشارت پارماغنده کی ملکه یه کوره اولور . قوبوز قازاقلر آراسنده قوللانیلیدیکی کبی ، روسیه داخلنده کی نوغای ، باشقیرد ، تپتەر ، تاتار ، میشار تورکلری آراسنده ده معروفدر . شریقین زیاده پیویه ( دالس ) دهالویریلیدر .

کوردک کیکی ، یاخود قوبوز کبی برواسطهیه مراجعت ایتیمکسین آنجیق  
کوکلارینه کلن شیلری سویلک طریقیله باقصیلق ایدنلرده یوق دکلدر . بونلرک  
علی الا کتر حیات وحرکتلرنده انتظام کوریلماکله برابر بعضاً مفیاته دائر  
اخباراتده بولنورلر . چوق سوز سویلکده بونلرک خاصه ممتازلوندن در .  
بو طاقم باقصیلرک ، اسکی تورک قازاق روحانیلری بقایاسندن اولدقلری روایت  
ایدیلمکده در .

قازاقلر باقصیلری اوقدر سومامکله برابر رعایتده قصور ایتمزلر . مجملرده  
اؤک توری ( یوقاریسی ) دایما آنلره عائددر .

یتیمی

ملیم ثابت

بویوک حکایه

## بابرخان

ترجمی : خالده ادیب

محرری : فلور آنا استیل

### باشلانغیج

بو ، نه بر رومان ، نه ده بر تاریخدر . بو ، بر آدمک ، کندلی خاطر اتندن  
آلش ، حیات حکایه سیدر .

« تنکجه ، ترزی عسکر ، کیچی ، افندی ، اجزاجی ، رنجیر ، خرسز ،  
دیه بر تکرله وارددر .

بو کتابک قهرمانی ده ایسترسه بو قدر چوق شخصیتلری کندده طویلایه .  
بیلیر . چونکه بزم یا کاش اولارق بویوک موغوللر دیه یاد ایتدیکمز سلاله نلک  
برنجیسی ، عمومیتله بابرخان ظهیرالدین محمد . هندستان ایمپراطوری عینی  
زمانده شاعر ، رسام ، عسکر ، پهلوان ، افندی ، موسیقی شناس ، دیلنجی  
و پادشاهدی . اون آلتنجی عصرک ابتدالرینه واون بشنجی عصرک صوکلرینه